

LOONG 9 上海舉行活動 香港成員冇份

宣傳《神耆小子》 洗靖峰唔認炸子雞



「洗靖峰」公主抱「羅毓儀晒剪刀」。



■傅嘉莉自認黑氣纏身。



■幾位「5月之星」一齊切蛋糕。

LOONG 9 成員洗靖峰 (Archie) 昨日為新劇宣傳，對於 LOONG 9 今日在上海舉行活動，但香港 3 位成員冇份，Archie 坦言不知情，但沒有不快感覺，相信公司安排。問到會否向公司爭取到內地工作？他坦言有有限公司商量，希望做好表現令大家驚喜。

鄭則仕、傅嘉莉 (Kelly)、LOONG 9 成員洗靖峰 (Archie)、羅毓儀 (Yuki) 昨日出席無綫劇集《神耆小子》宣傳活動，鄭則仕、Archie、羅毓儀、樊亦敏及莊思敏均於本月生日，獲公司送上蛋糕慶生。15 日生日的 Archie 表示當日工作後會跟粉絲聚會，Yuki 則稱 23 日午一當天跟粉絲慶祝，願望是劇集收視長紅。Archie 被鄭則仕形容為當紅炸子雞，他謙稱：「請食飯可以，我哋嚟緊都會一齊食飯慶祝生日。當紅炸子雞就唔好咁講，我係新人，啲唔同方面我都係初哥。」問到對自己演出有何評價？他稱每晚都坐定定睇電視：「我仲 Set 埋相機錄影，睇番自己嘅表現，其中第一集有三四個鏡頭覺得自己做得唔係咁好。」

提到 LOONG 9 今日在上海有活動，但只有 S 分隊的成員出席，香港 3 位成員均無份，Archie 坦言不知情。問到有否不开心？他說：「都係粉絲問我會唔會去上海先知有活動，無論 S 隊或 V 隊，我覺得大家可以留意我哋唔同隊嘅 Crossover，我只會因為表演得唔好而唔開心，唔會因為冇份參與而唔開心。(覺得香港成員被忽視?) 公司有安排，我會把握好每個機會。(爭取去內地工作?) 我哋幾個成員都有同公司傾過，想做好表現畀大家睇，令大家有驚喜。」至於早前 LOONG 9 香港見面會臨時取消，Archie 透露 6 月將會補辦，時間地點則待公司公布。

傅嘉莉黑氣纏身

Kelly 自爆最近黑氣纏身：「之前拍劇着咗對唔啱着嘅鞋，返到屋企發現兩隻腳趾公麻痺兼發黑，仲甩埋趾甲，依家要等啲甲生番出嚟，暫時唔可以着露趾鞋。」她續稱之前在港鐵站內踩屎：「有職員過嚟同我確認過係人嘅糞便，我當日仲要着住一對好鍾意嘅白波鞋，鞋底坑紋仲要好深，同我一齊行嘅朋友就完全冇事。朋友笑我應該去買六合彩碰運氣，但結果只中咗一個半號碼。」

陳嘉倩重返主播枱 想出外景「搵食」

■左起：黃嘉雯、陳嘉倩、蔡雪瑩與倪嘉雯合作做節目。



陳嘉倩、蔡雪瑩、黃嘉雯與倪嘉雯昨日到觀塘錄影 TVB Plus 節目《美食新聞報道》，同是前新聞主播的陳嘉倩與蔡雪瑩回歸「主播枱」，均希望可以出外景品嚐美食。陳嘉倩表示離開無綫約六七年，蔡雪瑩則快將 10 年。二人昔日曾在新聞部合作，覺得今次主持節目比較輕鬆。陳嘉倩坦言在其他電視台都有工作，合作方式比較自由，蔡雪瑩則指要兼顧港台節目。提到陳嘉倩的運動片被網民關注在身材上，她表示只想鞭策自己努力 Keep Fit，亦希望鼓勵大眾。

黃嘉雯與倪嘉雯笑言為了節目勁食，慶幸沒有增磅。黃嘉雯品嚐豬內臟，倪嘉雯則以放題作早餐，展現食量驚人一面，但她們表示沒留意自己的進食儀態，只想大啖品嚐。

馬浚偉 打羽毛球無敵手

新城首席營運總監馬浚偉成立的《新城體育會》前晚再次舉辦羽毛球活動，邀得歌手施匡翹 (Zaina)、黎展峰、張明偉及黃嘉麟切磋球技。面對幾位幹勁十足的年輕人，馬浚偉輕易將後輩揮低，他向張明偉說：「我玩音樂冇你咁咁叻，但打羽毛球就唔同。」張明偉讚馬浚偉：「一直都知馬生係羽毛球好手，啲電視台未有機會合作，終於可以同馬生打羽毛球，梗係要嚟朝聖。」



■馬浚偉(左三)是羽毛球高手。

Zaina 表示曾與馬浚偉合作勵志劇《我們的畢業禮》：「我記得有一場戲係同馬生、湯寶如前輩一齊打羽毛球，重拾番個感覺。」

五月天賣身不賣藝？

五月天前晚舉行《回到那一天》25 周年巡迴演唱會香港站的補場，石頭問大家認為五月天會否保留體力給尾場？答案是不會，因五月天每日都用盡全力，瑪莎亦說會把每一場都當作最後一場，耗盡體力演出，引得全場歡呼。搞笑是阿信指瑪莎和怪獸的裝束可脫掉褲子，台下即起哄叫「脫掉」，阿信笑言：「大家不要常叫脫掉，我們力不賣身」！阿信尷尬笑言：「因(脫掉)不同價錢(門票)呀！」笑爆全場。



■五月天每次演出都全力以赴。